

Oké Take Away
 Nos Special
 Cuminda
 Crioyo
565-3232

S **Prijs** **1.25** **LO**
Di Pueblo
 BRIYANDÓ FUERTE • TRECIENDO CLARIDAD
 Diarazon 11 October 2023

AHATA:
September
tabata mas
productivo na
2023 cu na
2022

Miembro di Eerste kamer tabata critico riba Van Huffelen:
SEGUN
PROFESSOR MR.
PETER NICOLAI;
HULANDA KIER
STRAF ARUBA
COBRANDO
DOBEL INTEREST



CONOCIDO BALUARTE
DI CULTURA
HARRY CROES A FAYECE



Trabou duro di team HOH 'behind the scenes'
 ta duna su fruto
HOH cu update tocante e situacion
na policlinica ginecologia



PUEBLO DI ARUBA TA
CORDIALMENTE INVITA PA BIN
APOYA SELECCION DI ARUBA DEN
CONCACAF NATIONS LEAGUE



Parlamentario Hulandes
 Peter Nicolai a contridici
 van Huffelen:

Hulanda tin
tur control
riba finansas
di Aruba,
pakico
mester mas?

POLIS BAO
INFLUENCIA
DI ALCOHOL
A WORDO
CONDENA PA
HUEZ



Parlamentario Hulandes Peter Nicolai a contridici van Huffelen: Hulanda tin tur control riba finanzas di Aruba, pakico mester mas?

Segun parlamentario Nicolai di Eerste kamer na Hulanda, Aruba simplemente tin un regulacion legal cu ta contempla supervision financiero cu ta CAFT.

Den realidad ora bo wak esey, e ta bay bastante leuw. Pasobra ta aya e pais autonomo Aruba ta duna ta duna Hulanda "vinger in de pap", esta control cu Hulanda ta desea.

Pasobra si bo wak e acuerdo ey pa LAFT, bo ta mira cu e gobierno hulandes por nombra e presidente di CAFT, caminda Hulanda tin e dede mas grandi den papa y cu Hulanda tambe por nombra un miembro. Basicamente dos di e tres miembronan.

A hasi pregunta tocante esey awor y a confirma cu e ta funciona ainda. E regulacion legal ta sigui funciona y si mi wak artíkel 14 di e LAFT, e prome parafo ta unda e colegio ta haci su analisis y den parafo 3 por lesa cu Gobierno di Aruba mester tene na cuenta e conseho ey.



AWE TA BO CHENS DI GANA 800 MIL FLORIN CU LOTTO 5 SORTEO TA AWE NOCHI

– 11 di october, 2023: Diasabra ultimo Lotto 5 no a conoce ningun ganado cu ta pone e jackpot pa awe diaranson tin e suma di 800 mil florin. Lotto 5 ta costa solamente 4 florin y bo por combina bo 5 numbernan for di 01 te cu 35, si bo no sa cua numbernan pa kies, bo ta puntra bo rebendedor pa un loco y asina bo ta den wega pa bira e feliz ganado(ra) di e jackpot di 800 mil florin cu Lotto 5.

Sorteo di Lotto 5 ta hunga awe diaranson pa 7.45PM y por cumpra bo ticket na bo rebendedor favorito of riba Lotto Online te cu 7.30PM.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash.

Tambe lo por hunga Lotto Online door di bishita: www.lottoaruba.com.



com pa por registra. Cumprando Lotto bo ta contribui na deporte riba nos isla. E meta ta pa

organisa loteria, cambia bida di su hungadonan y na mes momento inverti den deporte local pa medio

di donacionnan na e comision di subsidio.

CONOCIDO BALUARTE DI CULTURA HARRY CROES A FAYECE

Diamars mainta a drenta e informe cu Harry Croes a fayece. Harry ta un homber di pueblo cu masha hopi contacto y bon conoci tur parti.

Harry ta conoci den mundo deportivo cono refree di futbol y boxeo. A traha hopi aña na Diario den tur funcion, di fotograaf te cu redactor.

Despues a traha hopi No por lubida cu e tabata

aña na Radio Top 95 fm, treciendo noticia den ora di merdia.

Harry desde hoben a envolve su mes y su famia den festival di Dande y na dado momento a rescata e festival y a keda lucha cune te awe.

Un gran persona, stima cultura.

serca di Betico Croes dfm y tabata den fila di lucha pa Status Aparte.

Tabata un persona cu tabata hopi serca tambe di ex promer minister Nelson Oduber y tabata contribui na Partido MEP.

Solo ta extende condolencia na su esposa Ligia y na tur su yiunan y demas famianan.



Miembro di Eerste kamer tabata critico riba Van Huffelen:

SEGUN PROFESSOR MR. PETER NICOLAI; HULANDA KIER STRAF ARUBA COBRANDO DUBBEL INTEREST

Diamars ultimo durante un debate den Eerstekamer, Miembro di e kamer Hulandes, professor Peter Nicolai di PvdA tabata hopi fuerte riba e actitud di Gobierno Hulandes y Secretario di Estado Van Huffelen.

El'a bisa cu Hulanda kier straf Aruba, enbes di yuda Aruba cu un interes faborabel di 3%, dor di pone condicion di Rijkswet pa supervision.

Ela bisa: Estado Hulandes por cobra alrededor di 3% di interes. Aruba a puntra Hulanda: Bo bo por yuda nos, pa refinancia na 3%

? Esey ta posibel riba su mes, pero kiko nos ta mira? De hecho Aruba ta wordo castiga! Den e sentido ku e mester paga dobel interes di 6% y asina e ta wordo castiga. Asina mi ta mir'e, professor Peter Nicolai di Eerste kamer a bisa.

Ta castiga Aruba, pasobra enrealidad gobierno Hulandes ta bisa nos lo ofrece solamente e 3% ey si e ta dispuesto pa acepta un ley nacional di supervision rijksket.

Segun Nicolai, un ley di rijksket di e tipo aki ta e punto di partida di statuut, pa cual nos ta papiando di paisnan, corecto?



No solamente pais cu ta ricibi prestamo, pero nos ta papiando di un famia real hunto cu nan unda realmente mester yuda nan, Nicolai a bisa.

"E Ruman Hòmber Mas grandi

a bisa cu ta bon, anto nos ta bay yuda" Pero den e caso aki e ruman homber grandi ta bisa: Nos ta yuda, pero si bo cambia bo ley" y esey ta den desacuerdo cu statuut y autonomia di e pais.



Cuminsando cu 4 florin, bo por gana e suma grandi aki

Afl. 800.000,-

Obtenibel na cualkier rebendado di Lotto.

sorteo ta awe nochí 7:45 pm



HUNGA AWO



Minister Rocco Tjon: CUERPO POLICIAL A INICIA CU E CURSO DI ‘VOORTGEZET RIJOPLEIDING’



- Recientemente, a bishita scol di polis pa asina presencia e inicio di un otro curso, pa loke ta trata Cuerpo Policial. Segun Minister di Husticia y Asuntonan Social sr. Rocco Tjon, e bunita di esaki ta, cu e personal di Cuerpo Policial mes a

pidi pa e curso aki, esta e voortgezet rijopleing. E curso aki ta wordo brinda door di un compania certfica for di Hulanda, cu a duna e mesun training aki na henter e Cuerpo di Ambulance, pa asina nan por tin miho recursonan, mirando tambe e fleta



nobo di vehiculonan cu ta bay bin.

Na prome lugha, ta importante pa menciona cu e curso aki ta di suma importancia pa e propio siguridad di e personal. Manera ta conoci, Ministerio di Husticia y Asuntonan Social ta maneha e presupuesto pa loke ta Cuerpo Policial, pero banda di esaki ta haci bishitanan tambe na tur e diferente warda di Polis na inicio di cada aña, pa asina por scucha for di e

personal mes, kico ta loke nan kier y mester pa nan por eherce nan trabou mucho mas miho.

Pues, e voortgezet rijopleiding ta un di e cursonan cu a bin como resultado di e bishitanan cu a haci na e diferente warda, caminda a scucha y asina brinda e debido atencion na e coleganan. Asina por bisa cu 30 Agente Policial, di diferente distrito, como tambe recherchedienst lo bay tuma parti na e curso

aki, pa asina despues nan mes por tuma esaki over y sigui educa y brinda e conocimiento na e resto di personal di Cuerpo Policial.


E mandatario a indica di ta sumamente satisfecho cu e acogida di e curso, como tambe e interes di Cuerpo Policial mes pa cu e curso.

Asina por bisa cu Gobierno di Aruba lo sigui inverti den recursonan pa e desaroyo di e personal.





Cambio den prijs di productonan petrolero 11 october 2023

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 11 october 2023:

Gasoline unleaded-premium : 277,9 cen p/ltr. (- 5,8 cen)
Diesel LS : 260,8 cen p/ltr. (+ 9,1 cen)
Kerosin : 238,0 cen p/ltr. (+ 3,6 cen)
E prijsnan ta inclui BBO/BAZV/BAVP



AHATA: September tabata mas productivo na 2023 cu na 2022



, Aruba – 10 October: Aruba Hotel & Tourism Association (AHATA) ta acumula e cifranan di ocupacion y prijs di hotelnan tur luna y CEO di AHATA, Tisa LaSorte, ta anuncia cu na September e patronchi a continua cu RevPAR a crece pa motibo di prijs mas halto di camber cu menos ocupacion compara cu resultado historico.

SEPTEMBER 2023:

- **Ocupacion:** E grado di ocupacion tabata 71%; cual ta casi mescos cu grado di ocupacion na September 2022 y 9% menos cu 2019.
- **ADR:** E balor averahe di cada camber bendi tabata \$268.48; un aumento di 5% compara cu September 2022.
- **RevPAR:** E entrada averahe pa tur camber disponibel tabata

\$191.69 cual ta 4% mas cu na 2022 y 16% mas cu na 2019. RevPAR ta e indicador di e resultado financiero prome cu desconta gastonan operacional y impuesto.

JANUARI – SEPTEMBER 2023:

- **Ocupacion:** E ocupacion averahe di prome 9 luna tabata 78%; un aumento di 6% compara cu e mesun temporada na 2022. (Nota: Den prome kwartaal di 2022 Aruba su turismo tabatin efecto di COVID).
- **ADR:** E balor averahe di cada camber bendi tabata \$343.34; cual ta 13% mas cu mesun temporada na 2022.
- **RevPAR:** E averahe di prome 9 luna tabata \$267.16; 19% mas compara cu e mesun temporada na 2022.

PROYECCION:

Proyeccion actual pa ocupacion averahe di hotel pa October ta 73%, November ta 77%, y December ta 79%. E expectativa pa ful año 2023 su ocupacion ta 78%, cual ta representa un reduccion di 7% compara cu e averahe di año 2019.

TIMESHARE:

Ocupacion na propiedadnan Timeshare tabata 78% na September 2023.

Hotel miembro di AHATA: Amsterdam Manor Beach Resort, Barceló Aruba, Boardwalk Boutique Hotel, Brickell Bay Beach Club, Bucuti & Tara Beach Resort, Courtyard by Marriott, Divi & Tamarijn All-Inclusive, Eagle Aruba Resort, Embassy Suites by Hilton Aruba, Holiday Inn Resort Aruba, Hyatt Regency Aruba, Hyatt Place Aruba Airport, Manchebo Beach Resort, Marriott Aruba & Stellaris Casino, Ocean Z Hotel, Paradera Park, Radisson Blu Aruba, Rehoboth Peaceland Boutique Hotel, Renaissance Wind Creek Aruba Resort, The Ritz-Carlton Aruba, RIU Palace Aruba, RIU Palace Antillas y Talk of the Town Hotel.

Timeshare miembro di AHATA: Divi Aruba Phoenix, Divi Dutch Village, Divi Village Golf, La Cabana, Marriott Ocean Club, Marriott Surf Club, The Mill Resort.

Vacation rental miembro di AHATA: Aramis Real Estate, Aruba's Life Vacation Residences, Casiola Aruba, Cobalt Blue Residences, Ford Property Management, Turibana Plaza, Santa Lucia Landhuis, Russo Real Estate.

Minister Rocco Tjon:

9 DI OKTOBER A CELEBRA DIA DI BOMBERO



Dialuna, Minister di Husticia y Asuntonan Social sr. Rocco Tjon, tawata presenta na Post Oscar pa asina celebra dia di Bombero, hunto cu personal di brandweer. Un momento agradabel caminda hunto, den union, a para keto riba e



importancia di e trabou cu nos bomberonan ta eherce.

Minister Tjon a desea tur presente y henter e Cuerpo di Bombero un pabien, y a gradici nan pa nan trabou incansabel. Un di e pilarnan di Aruba su economia ta turismo, y sin Cuerpo di Bombero, Aruba su turismo no por florece.

Durante e mainta aki, a reflexiona riba kico tur a wordo haci pa e

cuerpo den e ultimo dos añanan. Caminda banda di e presupuesto a aloca 7 miyon florin adicional pa asina por adkiri truck nobo y tur "persoonlijke uitrusting" pa e personal, manera bluspakken, aparato di oxigeno, uniform, handschoen y boots.

Banda di esaki a splica tambe cu e inversionnan aki lo sigui, caminda otro luna tres truck nobo lo

ta yegando Aruba. Den presupuesto 2024 a tene cuenta pa adkiri pa promebes un "ladderwagen" y tambe lo sigui cu diferente opleidingen.

Otro luna e klas nobo lo inicia pa asina reenfora e cuerpo y pa hunto nan por sigui brinda siguridad pa Aruba. Gobierno di Aruba ta orguyoso di e trabou cu e cuerpo aki ta eherce.

Queen en King Zomercarnaval a bishita Arubahuis



Den Haag – E Queen di Zomercarnaval 2023 Sharicia Hasham y King di Zomercarnaval 2023 Orwin Gomes a haci un bishita di cortesia

na Minister Plenipotenciario mr. Ady Thijsen.

Tanto Hasham y Gomes como Queen y King tabata tin e honor pa a habri e parada di Zomercarnaval 29 di Juli ultimo. Nan a bisa cu esaki tabata un experiencia inolvidabel, principalmente cu nan a haya hopi apoyo, specialmente di e comunidad Arubiano banda di e ruta. Cu hopi orguyo nan a representa Aruba den e Zomercarnaval di Rotterdam. Esaki tambe tabata palabranan di Minister Thijsen na Sharicia y Orwin cu nan a muestra di ta un digno representante di Aruba y tambe di Aruba su carnaval.

Como aprecio Minister Thijsen a entrega na Sharicia y Orwin un regalo como gradicimento y tambe como recuerdo di nan nan bishita na Arubahuis.



Nota pa redaccion: E potretnan ta cortesia di Arubahuis

Trabou duro di team HOH 'behind the scenes' ta duna su fruto HOH cu update tocante e situacion na policlinica ginecologia

Despues di algun luna di trabou duro di team di Hospital, Hunta di Directiva ta contento di por informa comunidad di Aruba encuan to e ultimo desaroyonan positivo pa loke ta empleo na policlinica ginecologia. Na prome lug a nos kier gradici comunidad pa e pasenshi y mas ainda tambe gradici e team na policlinica ginecologia pa nan dedicacion y mas ainda pa haci nan maximo esfuer so durante temponan dificil.

Un paar di luna pasa Horacio Oduber Hospital (HOH) a saca informacion tocante e tempo di espera cu lo por ta mas largo y tambe e cambionan di dokter na policlinica ginecologia. A informa comunidad tocante e situacion actual y a haci un peticion pidiendo comprension y pasenshi di parti di pashentnan, publico y tambe empleadonan. Motibo tras di esaki tabata e presion halto cu tabatin riba e cantidad di ginecologonan. Algun a dicidi pa un cambio di carera pa motibonan personal. Na mes momento tabatin discusion andando cu AZV tocante e cantidad necesario di ginecologo cu a haci e situacion uno cu mas reto ainda. A baha di

siete pa cinco ginecologo. Per nos ta contento cu recientemente a cera acuerdo cu AZV pa por tin 6 ginecologo contrata pa hospital y kizas den futuro cercano por bolbe tin siete ginecologo den servicio na hospital.

Vacatura y substitucion

Manera ta conoci pa algun tempo caba, tin mundialmente scarcedad pa loke ta personal medico y especialista. E departamento di recruitment a traha hopi duro pa logra haya reemplasante cu ta cumpli cu nos cualificacionnan. Nos ta contento di informa cu desde luna di november team di policlinica ginecologia ta yama bonbini na Dr. Femke Siemonsma y na januari 2024 na Dr. Sofie Hamers y Dr. Dominique Bos. Adem as, Dr. Sietske Althuisius cu a caba di baha cu pensioen lo regresa pa reforsa e team pa un aña mas.

Mientrastanto Dr. Daphne Moreta (presidente di e grupo) conhuntamente cu Dr. Alejandro Garcia ta sigura e continuidad di e grupo di ginecologia. Adicionalmente, Dr. Babet Latour lo t'ey te cu fin di november



prome cu e bay pa su reto nobo na Hulanda. E vacaturanan vacante lo keda wordo yena temporalmente pa asina tin seis especialista continuamente ta brinda cuido. Specialistanan cu lo t'ey temporalmente pa reenfor sa ta: Dr. Marcela Realpe, Dr. Frank Ho-Kang-You, Dr. Gunilla Kleiverda y Dr. Soerin Mahadew

Gratitud

Nos ta hacienda nos maximo esfuer so pa garantis a cuido pa nos pashentnan y pa trece balans bek na e grupo di ginecologia. No solamente pa cumpli cu e vision di nos organisacion cu ta 'accessible healthcare for everyone without compromising on quality', pero tambe pa provee un lug a placentero di trabou pa nos empleadonan.

Durante e proximo lunanan nos lo sigui taha duro pa reduci e tempo di espera pa un afspraak pa un cantidad di dia cu ta aceptabel. Tene na cuenta cu semper lo tin un cierto tempo di espera y compara cu otro pais, tempo di espera na Aruba generalmente ta bastante aceptabel. Sin embargo ta comprendibel cu ora bo ta malo bo kier wordo atendi pa un dokter mas lihe cu ta posibel. Ta importante pa menciona cu urgencianan semper ta y a wordo atendi inmediatamente. Un bes mas, Hunta di Directiva ta agradecido y ta aprecia tur empleado y pashent pa nan pasenshi y encarecidamente ta pidi pa continua di tin respet mutuo pa e circunstancianan actual.

POLIS BAO INFLUENCIA DI ALCOHOL A WORDO CONDENA PA HUEZ



Corte den prome instancia a dicta siman pasa den e caso penal contra e sospechoso K.A.P., kende a causa un accidente di trafico riba 19 di augustus 2023 na Bakval.

P., kende ta un agente policial, tabata core sin rijbewijs valido y tabata bao influencia di alcohol.

Huez di trafico a condenele pa

un multa di 1.250 florin y un prohibicion condicional pa stuur auto di siete luna cu un tempo di prueba di dos aña.

Si e sospechoso no paga e multa na tempo, e tin cu sinta 25 dia di detencion. Adem as huez a condene pa sigui e curso obligatorio di alcohol den trafico



MINISTER ENDY CROES A AFECTUA E APERTURA DI E DI TRES (3) EDICION DI BASEBALL IN PARADISE

Un apertura colorido na unda mandatario di Deporte a lansa e prome bala



: Dialuna anochi, den un Joe Laveist Sport Park yena di fanatico a tuma luga e gran apertura di e di tres (3) edicion di Baseball in Paradise. E campeonato di Baseball in Paradise ta organisa pa Future Star Baseball Academy. E campeonato ta tuma luga di 9 pa 14 di october den diferente stadion rond di Aruba. Alrededor di 700 hungado y 38 ekipo di, entre otro, Boneiro, Curaçao, Hulanda, Mexico y Aruba ta batayando den e tremendo campeonato aki. Un total di 130 wega ta wordo hunga den e siman aki den e siguiente categorianan: U12, U14, U16 y U19. E weganan ta tuma luga na, entre otro, Joe Laveist Sport Park, Duracell Ballpark (Dragon Hitters Ballpark), Xander Bogaerts Ballpark, Crismo Angela y Nadi Croes Ballpark y Centro Bario Noord. Durante e bunita y colorido ceremonia di apertura di Baseball in Paradise Minister Endy Croes tabata presente y a hiba palabra na e ocasion aki pa desea e hungadonan exito. Ministerio di Deporte ta sostene e proyecto aki pa tres aña

consecutivo.

Minister Endy Croes a enfatisa cu e vision di Gobierno di Aruba ta pa promove 'sport tourism' y esaki ta un forma na unda cu organisadonan mes ta bin cu e iniciativa pa organisa un campeonato di e magnitud aki y ta trece riba 700 persona entre hungado, mayor y nan famia Aruba. Durante nan estadia na Aruba, nan ta hospeda na hotel, huur auto y bishita diferente sitio rond di Aruba y esaki ta duna contribucion na e vision di Gabinete Wever – Croes II.

Ta di aprecia cu un publico grandi a presenta pa apoya nos beisbolistanan. Nos atletanan a gosa masha hopi y riba ritmo di brassband a clausura

e ceremonia di apertura. Mandatario di Deporte ta gradici organisado Sr. Shurty Tremus, Sra. Nenny Kamperveen y e organisacion di Future Star Baseball Academy tanto na Hulanda como na Aruba. Tambe, Minister Endy Croes ta gradici tur stakeholder entre otro, ATA, Lotto pa Deporte cu a haci e campeonato aki posibel.

Concluyendo, Minister Endy Croes ta invita henter e Pueblo di Aruba pa duna apoyo y sosten na e hobennan durante e siman aki. Masha pabien na e organisado cu un bunita show di apertura y hopi exito na e atletanan! Cu deseo, disciplina, dedicacion y determinacion ta logra.



Minister Endy Croes: PUEBLO DI ARUBA TA CORDIALMENTE INVITA PA BIN APOYA SELECCION DI ARUBA DEN CONCACAF NATIONS LEAGUE NA COMPLEHO DEPORTIVO GUILLERMO PROSPERO TRINIDAD NA DAKOTA

Diasabra, 14 october 2023, 3 or di atardi, Aruba ta enfrenta Virgin Islands na cas.

O R A N J E S T A D : Dialuna ultimo, durante Conferencia di Prensa di Gobierno di Aruba, Minister di Enseñansa y Deporte Endy Croes a anuncia cu despues di shete (7) aña Seleccion di Aruba por hunga su “home games” na Aruba. Manera ta conoci, Compleho Deportivo Guillermo Prospero Trinidad na Dakota ta den proceso di renobacion.

Desde aña 2016, e stadion tabata desapropa pa FIFA y Aruba no por a hunga weganan clasificatorio na cas y mester a bay den exterior pa haci esaki. Minister Endy Croes a indica cu e stadion no ta cla ainda, pero FIFA a aproba e yerbe artificial y a haci algun excepcion pa

e weganan clasificatorio di CONCACAF Nations League tuma luga na stadion Dakota despues di sheta (7) aña. Pues, e mandatario di Deporte ta invita Pueblo di Aruba pa bin apoya Seleccion Masculino di Aruba den CONCACAF Nations League, diasabra, 14 di october 2023 na Compleho Deportivo Guillermo Prospero Trinidad na Dakota, 3 or di atardi. Despues di shete (7) aña Aruba por bay disfruta y apoya Seleccion di Aruba na cas atrobe, den un stadion cu ta cumpliendo cu tur standard internacional pa FIFA.

Pa finalisa, Minister Endy Croes ta desea Seleccion di Aruba hopi exito den CONCACAF Nations League. Cu disciplina, deseo, dedicacion y determinacion ta logra.



Polis a detene chauffeur burachi cu a bay dal tras di auto na Sabana Liber

Diadomingo anochi a drenta informe di un accidente cu hende herida dilanti Hoe Hin Supermarket na Sabana Liber, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un chauffeur burachi no a regula su velocidad ni a mantene distancia a bay dal tras di un Nissan March y a laga e chauffeur herida. Polis a nota cu e chauffeur ta burachi y a detene. Na yegada di e ambulans nan a atende e victima y a transporte pa hospital.



Diasabra Dia 14 di Oktober 2023 lo tuma lugar un Eclipse Annular di Solo Saros 134

Aruba Astro Research Int. asociacion nacional arubano di astronomia cu 31 Anja manehando y dirigiendo e tereno di astronomia aki na Aruba pa medio di su presidente Sr. Marcos Bislip den calidad como astronomico y representante oficial pa cu e tereno di astronomia aki na Aruba y director nacional pa cu evento di eclipse solar y lunar y tur evento di astronomia general na Aruba y miembro di Astronomical League, IWGE International Working Group for Eclipses y parti di e team di NASA GSFC di Fred Espenak y di Professor Jay M. Pasachoff di Williams College University y Hopkins Observatory ta informa na e comunidad di Aruba oficialmente cu Diasabra Dia 14 di Oktober 2023 lo tuma lugar un eclipse annular di solo saros 134 e di 44 miembro di e 71 famia Saros. Aruba mes lo experiencia un Eclipse Parcial di Solo di 70% hunto cu e partinort di Venezuela y Guyana Ingles como tambe Suriname y French Guiana na e partinan mas panort. Mientras cu Cuba, Jamaica, Haiti, Republica Dominicana, Puerto Rico, Corsow, Bonaire, Isla di Margarita, Trinidad & Tobago ta 60% mas panort di Puerto Rico ta 50% di Eclipse Parcial. Ta bon pa menciona cu durante un Eclipse Annular di Solo den su pasada conoce solamente 90%. E datanan ta di NASA GSFC di Fred Espenak y cu tur miembro di e International Working Group for Eclipses ta usa esta Aruba Astro Research Int. como e instancia oficial y Sr. Marcos Bislip como e representante pa cu e tereno di astronomia y eclipse

solar aki na Aruba nombra pa gobierno y tambe como miembro di IWGE. E eclipse annular di solo su pasada mes ta inicia na Merca na Oregon sigi pa Dune City, pasa over di Newport, Crater Lake National Park, sigi pa Umpqua y Fremont National Forest, Eugene, y Medford. Despues di pasa over di noordoost di California den Modoc National Forest e lo biaha pa Nevada pasa over di Black Rock Desert despues pa Utah sigi pa Arizona zuidwest di Colorado sigi pa New Mexico, Farmington, Albuquerque, Santa Fe, Roswell y Carlsbad despues drenta Texas, Midland, San Antonio y Corpus Cristi y drenta Golfo di Mexico, sigi pa e penninsula di Yucatan sigi pa Belize, Honduras, Nicaragua, Costa Rica, Panama pasa ariba Santiago y cerca di Panama City sigi despues pa Colombia y despues pa Brasil. E unico dos paisnan Sur Americano cu e pasada lo pasa ta Colombia y Brasil. Na Colombia e Eclipse lo pasa directamente ariba Pereira, Armenia, Cali, Ibaguè y Neiva na Brasil ta Amazonas te cu na Rio Grande do Norte prome cu e sombra di e luna drenta Oceano Atlantico y bai bek den espacio.



FUNDACION VENERABLE JOSE GREGORIO HERNANDEZ TANKI LEENDERT 128



Nobena na honor di Beato José Gregorio Hernández



E luna aki, Fundacion Venerable José Gregorio Hernández, lo celebra su nobena na honor di Beato José Gregorio Hernández, pa asina nos prepara nos mes pa su fiesta diahuebs 26 di october venidero, cu ta dia di su fecha natal.

Nos fundacion ta preparando un nobena biblico y cada dia ta bay tin un diferente reflexion cu e intencion pa dia ey.

E skema di e diferente dianan di e nobena ta manera ta sigui:
E prome dia ta dedica na Mundo henter; Di dos dia ta dedica na nos Mayornan; Di tres dia ta dedica na nos Mucha- y Hobennan; Di cuatro dia ta dedica na Matrimonio; Di cinco dia ta dedica na Iglesia, Papa y Clero; Di seis dia lo tin Rosario bibo y ta dedica na Esnan den necesidad; Di shete dia ta dedica na tur Dokter y Esnan cu ta traha den Salubridad; Di ocho dia ta dedica na nos Gobernantenan y Di nuebe dia ta dedica na tur Enfermo- y Adultonan Mayor.

Riba e di nuebe y ultimo dia di e nobena, tur hende por bin cu un bela pa ofrece na nos dushi Mama Maria.

Durante tur e dianan di e nobena, ta bay tin macuto na entrada di Sitio pa tur devoto por haci donacion di cumestibel pa esnan menos afortunada.

Un y tur ta keda cordialmente invita pa bin participa na e nobena cu ta cuminsa diamars, dia 17 di october pa 7'or di anochi y lo sigui asina pa tur e nuebe dianan na nos Sitio di Oracion, situa na Tanki Leendert 128. E fiesta mes cu santa misa di Sanacion ta bay ta diahuebs, dia 26 di october pa 7'or di anochi.

Comite Olimpico Arubano a firma un acuerdo cu Royal Aruba Aloe



COA tin un partner nobo den Royal Aruba Aloe, un partner cu ta kere den nos proyecto y aspiracionnan. Diabierna anochi na e ceremonia di despedida, Comite Olimpico Arubano, COA a anuncia dilanti tur presente cu nan tin un partner nobo den e compania Arubano, Royal Aruba Aloe. Secretaria General di COA, sr. Nicole Hoevertsz a expresa su gratitud riba e acuerdo nobo aki. E la splica "COA y Royal Aruba Aloe tabata tin basta tempo caba den combersacion cu otro, pero nos mester a wak prome kico tur nos tin en comun prome cu nos a yega asina leu. E balornan di tanto COA como Royal Aruba Aloe ta riba mesun linea.

Royal Aruba Aloe no solamente lo sostiene e atletanan di Comite Olimpico cu e parti financiero, pero tambe cu producto. Nicole mes ta hiba e productonan

di Royal Aruba Aloe ora e biaha pa exterior pa duna como regalo y e hendenan ta masha agradecido mirando e calidad unico di e productonan. Na e Weganan Panamericano lo otorga esaki como regalo na entre otro, e presidente di e Villa Panamericano, e presidente di Panam Sports, e presidente di IOC como tambe e invitadonan special algun di e productonan di Royal Aruba Aloe. Sperando asina cu otro compania por tuma e ehempel aki di un promocion unico den exterior pa nos atletanan y Aruba.

Koos Veel di Royal Aruba Aloe ta masha contento cu e acuerdo firma cu COA pa awe nan por duna algo bek na comunidad. Royal Aruba Aloe ta un compania netamente Arubano cu ta emplea alrededor di 150 hende, nan productonan ta ser exporta pa 55 pais rond mundo y na 15.000

tienda na Merca por haya e productonan di Royal Aruba Aloe.

Koos ta masha agradeci na e comunidad di Aruba pa nan sosten pa duna e aloe di Aruba e fama mundial. Y manera Koos a bisa den su ultimo frase; "E partnership entre COA y Royal Aruba Aloe lo ta uno pa hopi aña".



MI TIN DISLEXIA

Asina e ta !!

Bo por yudami door di.....

- ...scucha y test mi pronunciacion verbal
- ...usa imagennan
- ...no dunami demasiado instruccion pareu
- ...comproba si mi a compronde e tarea corectamente
- ...puntrami mas biaha con mi ta siñando

Bo tabata sa cu...

- ...dislexia ta hereditario?
- ...ami ta un pensado creativo?
- ...mi ta prefera di haci algo y no scirbi?
- ...hopi biaha mi ta pensa den imagennan?
- ...hopi empresario tin dislexia?
- ...hopi biaha dislexia ta hunto cu ADHD of discalculia?

Esaki no ta corecto

- ...Mi no ta floho!
- ...Mi no ta bobo!
- ...Mi no ta sin interes!
- ...Dislexia no ta kita door di practica extra hopi.

Asina e ta pa mi

- ✓ Mi no ta gusta lesa den klas
- ✓ Ta dificil pa mi cuminsa cu un tarea
- ✓ Mi ta haya instruccion hopi biaha confuso
- ✓ Mi tin hopi biaha problema cu berguensa y miedo di faya
- ✓ Mi mester semper traha mas duro pa algo cu pa otronan por ta mas facil

OCTOBER is
DYSLEXIA
AWARENESS
MONTH

Pa mas informacion:

Fundacion pro persona cu Dislexia
f Fundacion Pro Persona cu Dislexia

- fundacionprodislexia@gmail.com
- (297) 566-0140

HOTLINE

744-0444

CAPT'E
Y MAND'E

ELMAR ta lidera: Prome compania den Caribe cu a instala e modelo di connexion di kabel di 60KV “Transition Joint Click-Fit”



Den un paso cu ta señala e compromiso di ELMAR pa avansa su infraestructura di electricidad, Aruba a logra un “milestone” remarcabel. ELMAR ta orguyoso di anuncia su posicion como e prome compania di distribucion di coriente den Caribe cu a instala e “Transition Joint Click-Fit” na Onderstation Sabana Blanco, inaugurando un era nobo di connexion di kabel di 60KV.

E modelo di connexion “Transition Joint Click-Fit” ta un solucion revolucionario diseña pa facilita e connexion “seamless” di kabelnan di tension halto cu ta traha di diferente material. E modelo aki a atrea atencion amplio den e industria di electricidad mundialmente. Aruba, conoci pa su dedicacion na innovacion, awor ta para na e “forefront” di e tecno-

logia aki den Caribe.

E imagennan cu a capta e instalacion historico aki ta muestra e experticio di nos propio Glenn Hassell, Monteur A di Underground Cables na ELMAR, trahando man den man cu e Team di Prysmian Hulanda pa implementa e modelo aki; e connexion di kabel di azeta y kabel di kunststof. E contribucion di nos Team di Underground Services ta muestra e mentalidad colaborativo tras di e logro aki, mostrando e compromiso di ELMAR pa stimula talento local den e industria di electricidad.

Connexionnan tradicional di kabel ta implica e connexion di kabelnan di tension halto, generalmente traha di materialnan diferente, haciendo uzo di un combinacion di hermentnan

specialisa, tecnicanan, y materialnan. E proceso por ta “labor-intensive” y tuma hopi tempo. Solucionnan innovativo manera “Click-Fit” ta mehora tanto confiabilidad como eficiencia den connexion di kabelnan di 60KV.

Mientras ELMAR ta lidera den e instalacion di e modelo aki di connexion di kabel di 60KV, tin un reto unico cu ta bay mas a leu di e aspecto tecnico. E espacio di instalacion mester keda liber di vocht y stof durante henter e proceso di connexion di kabelnan di 60KV. Pa cumpli cu e rekesito aki, ELMAR mester isola e area di instalacion cu tent y airco 24/7 te ora cu finalisa e trabou. Esaki ta muestra e cuido meticuloso y presicion necesario pa tecnologia “cutting-edge” prospera den e clima unico di Aruba.

Mientras nos isla ta sigui crece, e confiabilidad di Aruba su grid elctrico ta bira cada dia mas vital. E beneficio di e tecnologia innovativo aki; e aspecto di “Click-Fit” ta un “asset” crucial pa e infraestructura

di electricidad na Aruba, debi na su e capacidad pa reduci tempo y costo di instalacion, y e diseño uniforme ta sigura consistencia mientras e componentenan “factory-tested” ta garantisa calidad y prestacion na e nivel di mas halto.

E adoptacion di ELMAR pa e modelo di connexion di kabelnan 60KV “Transition Joint Click-Fit”

na Onderstation Sabana Blanco ta un testimonio di e vision di nos compania pa e futuro di energia di Aruba.

Tuma un paso importante pa sigura un suministro di energia resiliente pa nos isla door di implementa tecnologianan “cutting-edge”.

Pa mas informacion riba e modelo “Click-Fit”, bishita: www.click-fit.org.



		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

ARUBA ONE HAPPY ISLAND LIONS CLUB Y FRIENDS OF LIONS CU OTRO EXITOSO PROYECTO TAYO RIBA MESA PA FAMIANAN DEN NECESIDAD

Masha danki na tur instancia y persona cu a coopera!



Diasabra dia 30 di september ultimo nos organisacion Aruba One Happy Island Lions Club hunto cu Friends of Lions a organisa e proyecto “Tayo riba Mesa”, edicion nr. 2. Esaki ta den cuadro di e

programa di Lions International “Hunger Relief”, cual ta un actividad di servicio cu cooperacion di Friends of Lions pa yuda un cantidad grandi di famia den necesidad. Danki na e cooperacion

di voluntarionan di Cruz Cora, miembronan Lions y amigonan Lion a percura pa 512 persona di famia di menos recurso ricibi nan cuminda di merdia.

Un danki hopi special na Friends of Lions y tur instancia y compania cu a coopera y aporta cu donacion, producto, cushina, obra, reparti y tempo pa haci e proyecto aki uno exitoso. Danki na Red Sails Sports Aruba NV, Amigo Car Rental, Flora Market, T2 Bread Lab, Pro Frame Aruba, Vasquez Contractor & Sales N.V., The Perfect Team, Grant Thornton Aruba, De Palm Tours, Atlas Accountancy Tax Legal & Advisory Services, All Dental Care, Miss 21, Gianni's Group, IBS Caribbean, Community Footprints, Ritz Carlton Aruba, Tatichi Snack, Aruba Administratie & Financial Services, Notaris Helmeijer, Deurwaarders Roos, Professional Quality, Aruba Living Today, High Performance, Unirisk Insurance, RBC Royal Bank Aruba NV, Minister di Turismo y Salud, Old Cuncu House, Magic FM, Magaly v/d Berg y tur otro cu a coopera y ta desea pa keda anonimo.

Nos organisacion hunto cu



Friends of Lions lo continua organisa proyectonan pa yuda esnan den necesidad. E proximo edicion di

e proyecto Tayo riba Mesa lo tuma luga fin di november proximo. Un biaha mas danki Aruba!



PRONOSTICO DI TEMPO

VALIDO TE DIARAZON 11 DI OCTOBER 2023, 18:00 ORA

TEMPO:
 AWE TARDI Y AWE NOCHI: LEVEMENTE TE PARCIALMENTE NUBLA Y GENERALMENTE SECO
 DEN MARDUGA Y MAYAN: PARCIALMENTE NUBLA CU UN AWACERO BREVE

TEMPERATURA MAXIMO 33 GRADO CELSIUS
 TEMPERATURA MINIMO 27 GRADO CELSIUS
 INDICE DI CALOR (HEAT INDEX) DEN Y ROND DI ORANAN DI MERDIA: 34 PA 45 GRADO CELSIUS
 UV INDEX: 12

SIGUI DESAROYA DEN UN CYCLON TROPICAL.

POTENCIAL DI AWACERO PA PROXIMO 24 ORA: 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

AIRPORT : MAX 34 / MIN 29 / 0.0 MM
 WESTPUNT: MAX 33 / MIN 28 / 0.0 MM
 STA ROSA: MAX 33 / MIN 28 / 0.0 MM

PRONOSTICO DI TEMPO PA PROXIMO 3 DIANAN:
 PARCIALMENTE NUBLA CU UN AWACERO BREVE.
 BIENTO LO TA FOR DI DIRECCION OOST TE OOST- ZUIDOOST Y MODERA TE BASTA FUERTE;
 POSIBLEMENTE FUERTE DEN RAFAGA.
 TEMPERATURA (GRADO CELSIUS) MAX / MIN LO TA: 32 / 27


Polis a bay na Purun pa un persona menasa cu un herment

Dialuna mainta a drenta informe di un caso di menasa na Purun, mesora a dirigi un patruya na e sitio.

Na yegada di e patruya a bin compronde cu un per-

sona a menasa e otro cu un herment.

Polis a tuma su declaracion y a informe pa e bay entrega keho di menasa na oficina di recherche.



**BO SANGER
TA SALBA BIDA!**

☎ 587 0002

f StichtingBloedbankAruba

Registra pa bira donante na www.bloedbankaruba.aw

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



Jozef (Baby) Donald Arends Jr.

Boso muestra di atencion ta di hopi aprecio y un gran sosten pa nos. Un danki na un y tur cu a manda carichi, krans, whatsapp, email y a hasi yamada nan telefonico.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compaña nos na 3 Santo Sacrificio di Misa na misa San Francisco na Playa; diahuebs 12 di october pa 7 pm, diabierna 13 di october pa 7 pm y diabierna 14 di october pa 7 pm

Boso presencia ta altamente aprecia.

Harry Croes

SETAR N.V. kier a extende palabranan di profundo condolencia na famia, amigonan y henter e pueblo di Aruba cu fayecimento di un di e pilarnan di nos cultura. Harry Croes su aporte na nos cultura ta uno grandi sigur pa loke ta nos Festival di Himno y Bandera y nos Festival di Dande.

Cu Harry sosega na paz.



Ceremonia di despedida pa e delegacion Arubano cu pronto lo sali pa e Weganan Panamericano Santiago 2023

Diabierna dilanti nan oficina nobo, Comité Olímpico Arubano (COA) a tene un anochi ameno y masha special, unda a celebra e ceremonia di despedida di e delegacion Arubano, cu proximamente lo sali pa e Weganan Panamericano Santiago 2023. Presente na e ocasion special aki, nos por a mira algun di nos atletanan y nan coachnan, miembronan di directiva di COA, Minister di Enseñansa y Deporte, Endy Croes, direccion tecnico di COA, mayornan, federacionnan deportivo, invitadonan special, patrocinadonan. Secretaria general di COA y alabes vice-presidente di IOC, sra. Nicole Hovertsz como tambe Minister Croes a hiba palabra na e anochi aki. Loke mas a resalta den e discursonan tabata e colaboracion y cooperacion cu nos mester brinda na otro pa cada bez nos dal un stap padilanti.

Na e atletanan carga y defende e bandera di bo isla cu tur honor, un sentimento di patriotismo mester reina or abo bisti e uniform di Aruba na tur momento. Corda cu bo ta e embahador maximo di bo isla den exterior. A desea henter e delegacion tur clase di exito durante e dos simannan na Santiago, Chile.



E anochi a sigui cu diferente presentacion y intercambio. E compania Totto un bes mas a confectona e uniform deportivo di e delegacion di Aruba pa e Weganan Panamericano 2023. Mas cu claro nos atletanan a modela e bunita outfit cu Team ARU lo luci cune durante e dos simannan cu nan lo permanence na Chile. Presidente di COA, sra. Wanda Broeksema a otorga na Minister Croes, e pin oficial di Aruba pa e weganan di Santiago 2023.

Tambe a otorga na Minister Croes e uniform oficial di Team ARU. Un momen-

to di sorpresa pa tur presente tabata e desvelo di e billboard nobo di COA, e biaha aki cu algun imagen di nos atletanan cu lo competi na e Weganan Panamericano Santiago 2023. Comentarionan tabata ta 'E billboard a keda hopi bunita'. Por ultimo, COA cu gran orguyo a anuncia e compania Royal Aloe Blue como nan partner nobo.

Den su calidad como Hefe di Mision, sr. Jonathan Wever a duna un presentacion detaya di tur loke por spera e delegacion di Aruba na Chile. Tambe su persona a introduci nos atletanan cu lo representa nos dushi isla den e weganan na Santiago 2023.

E Weganan Panamericano Santiago 2023 lo ta di 20 di oktober te cu 5 di November. Nos delegacion di Aruba ta consisti di 14 atleta den 10 evento. Aruba lo competi den e deportenan di karate, ciclismo BMX, landamento, landamento artistico, openwater, boliche, IQ foil, vela y tiro. Na e Weganan Panamericano na Santiago de Chile,

lo participa alrededor di 8000 atleta di 41 pais kendenan lo bataya den 39 disciplina di deporte.

COA ta desea cada un di e integrantenan di e delega-

cion pa e Weganan Panamericano Santiago 2023 tur clase di exito y lo sigui nan pasonan di cerca, manteniendo pueblo di Aruba na haltura na tur momento.



Prome Minister Evelyn Wever-Croes:

Luna di Conscientisacion di Cancer di Pecho

Prome Minister ta gradici tur fundacion y organisacion na Aruba

CU TA TRAHANDO INCANSABELMENTE DEN CUIDO Y CONSCIENTISACION DI CANCER NA PECHO



Nos ta casi na mita di e Luna di Conscientisacion di Cancer di Pecho. Un luna cu sigur ta uni pueblonan, famianan y lidernan di paisnan den un solo causa. E luna aki ta sirbi como un recordatorio di e forsa cu nos ta haña den union y conocimiento di e efectonan cu e malesa aki tin riba famia y comunidannan. Cancer di pecho ta afecta miyones di bida mundialmente, y ta den nos poder colectivo pa haci un diferencia. Den e luna aki, fundacionnan y organisacionnan cu ta dedica na conscientisa nos pueblo, ta traha mas duro pa brinda conocimiento na nos comunidad.

Laga nos uni forsa y curason cu e fundacion y organisacionnan pa traha huntu pa divulga conocimiento tanto den nos famia, nos comunidad y mundial. Conscientisacion no ta simplemente un con-

























cepto; e ta un linia di cuida, sosten y di bida. Door di educa nos mes y otro- nan, nos por kibra bare- ranan, elimina mitonan, y especialmente, stimula deteccion tempran. Exam- inacion regular di pecho ta fundamental den e ba- taya aki, brindando e yabi pa deteccion tempran y tratamiento exitoso. Pero conscientisacion
























no ta solamente tocante statistiek y datonan med- ico. E ta tocante empatia y sosten. Conscientisacion ta encera pa ta presente pa nos sernan stima, colega y bisiñanan cu ta luchando e bataya aki. Conscienti- sacion ta inclui tambe pa celebra e forsa increibel di sobrevivientenan y honra e memoria di esnan cu nos a perde den e lucha contra

cancer di pecho. Luna di Conscientisa- cion di Cancer di Pecho ta brinda un luz di speransa. E ta simbolisa nos com- promiso comun pa crea un mundo unda ningun hende mester enfrenta e malesa aki su so. Laga nos inspira otro, resona nos bos, y tuma accion. Sostene inisiativanan di investigacionnan, duna tempu como voluntario y sea un cuidado di un famia, amigo of cualkier persona cu ta pasando den e proceso doloroso y tris- to. Contribui na organisa- cionnan cu dia aden y dia afo ta dedica na conscien- tisa y yuda pashentnan y nan famia. “Luna di Conscientisacion no ta solamente tocante bisti roos. E ta tocante solidaridad y compacion. Huntu, nos por haci un

diferencia. Laga nos ta uni den e causa aki y honra tur esnan balente y fuerte cu a lucha y ta sigui lucha. Cu dedicacion y determiacion nos lo vence y cu speran- sa cu pronto tin un cura”, Prome Minister Evelyn Wever-Croes a expresa. Prome Minister ta gradici tur fundacion y organisa- cion na Aruba cu ta tra- hando incansabelmente den cuida y conscientisa- cion di cancer na pecho. “Boso Pasion y dedicacion ta ilumina e caminda di speransa, enfocando no solamente pa yuda pa- shentnan cu cancer pero tambe pa salba bida di hopi persona. Cada es- fuerzo, cada gesto, ta re- forsa nos determinacion colectivo, y ta recorda nos cu den union, nos ta crea un futuro mas briyante”, Prome Minister a enfatisa.



Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 10 Oct 2023 Merdia		
 CATOLICHI Sorteo # 4059 5605 6086 8414  X2  Sorteo # 4059 5791  Sorteo # 2115 0635  Sorteo # 4059 2769 Tauro  Sorteo # 933 971  X2	 Sorteo # 0 x Jackpot 0 x Match 4+ 0 x match 4 0 x Afl. 12,00 800.000,-	 Sorteo # 0 x Jackpot 0 x Match 4+ 0 x match 4 0 x Afl. 12,00 800.000,-
 Sorteo # 0 x Jackpot 0 x Match 4 0 x Afl. 8,00 115.000,-	 Sorteo # 0 x Jackpot 0 x Match 4 0 x Afl. 8,00 115.000,-	 Sorteo # 0 x Jackpot 0 x Match 4 0 x Afl. 8,00 115.000,-
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-
 Afl. 430.000,-	 Afl. 430.000,-	 Afl. 430.000,-
 Sorteo # 	 Sorteo # 	 Sorteo # 

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 09 Oct 2023 Anochi		
 CATOLICHI Sorteo # 8065 7042 4088 1056  x2  Sorteo # 7109 9642  Sorteo # 1814 9020  Sorteo # 5868 5330 Gemini  Sorteo # 798 803  x3	 Sorteo # 2430 0 x Jackpot 0 x Match 4+ 0 x match 4 0 x Afl. 12,00 800.000,-	 Sorteo # 2430 0 x Jackpot 0 x Match 4+ 0 x match 4 0 x Afl. 12,00 800.000,-
 Sorteo # 6264 0 x Jackpot 12 x Match 4 228 x Afl. 8,00 115.000,-	 Sorteo # 6264 0 x Jackpot 12 x Match 4 228 x Afl. 8,00 115.000,-	 Sorteo # 6264 0 x Jackpot 12 x Match 4 228 x Afl. 8,00 115.000,-
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 330.000,-
 Afl. 430.000,-	 Afl. 430.000,-	 Afl. 430.000,-
 Sorteo # 	 Sorteo # 	 Sorteo # 